

Mensahe 6

Ang Grasya sa Dios ug ang Malangkobon-sa-tanan nga Espiritu

Basahong Kasulatan: 1 Cor. 15:10; 2 Cor. 1:12, 15, 21-22;
3:3, 6, 8, 17-18; 12:9; 13:14

- I. **Sa 2 Corinto si Cristo nga grasya sa Dios mao ang maayong yuta nga masudlan, masinati, mapahimuslan, maambitan, ug mabatonan nato—Juan 1:17; 1 Cor. 15:10; itandi sa Gal. 2:20; 1 Cor. 5:7; 10:3-4; 2 Cor. 13:14:**
 - A. Sa 2 Corinto 13:14 unang gihisgotan ang grasya sa Ginoo kay naghisgot man kining basahona sa grasya ni Cristo—1:12; 4:15; 6:1; 8:1, 9; 9:8, 14; 12:9:
 1. Ang Espiritu Santo nga sirkulasyon, pagpalatay sa grasya ni Cristo ug sa gugma sa Amahan mao ang sangkap sa Cristohanon ug iglesiahanong kinabuhi nato:
 - a. Nag-agad sa 2 Corinto 13:14 ang tibuok iglesiahanong kinabuhi.
 - b. Ang sulog sa Diosnong Trinidad sa sulod nato ingon sa gipadayag sa 2 Corinto 13:14 mao ang espirituhanong pulso nato.
 2. Ang panalangin sa 2 Corinto 13:14 pareho ra sa Numeros 6:22-27; kini ang walay kataposang panalangin sa Tulo-usang Dios, nga mao ang Tulo-usang Dios nga nagpaaambit sa Iyang Kaugalingon diha sa Iyang Diosnong Trinidad nganhi nato aron atong mapahimuslan:
 - a. Ang “magpanalangin ug mag-amping si Jehova kanimo” mao ang gugma sa Dios Amahan nga tuboran sa kinabuhi ug kahayag—v. 24; Sal. 36:9.
 - b. Ang “pasidlakon ni Jehova ang Iyang nawong nganha nimo ug magmagrasyahon nimo” mao ang grasya ni Cristo nga katambok sa balay sa Dios—Num. 6:25; Sal. 36:8.
 - c. Ang “iisa ni Jehova ang Iyang panagway kanimo ug hatagan kag kalinaw” mao ang pakig-ambitay sa Espiritu Santo nga suba sa mga kahimuot sa Dios—Num. 6:26; Sal. 36:8.
 - B. Dato, masanayon, ug madagayaon ang grasya sa Dios diha sa pamatigayon Niya—Efe. 2:7; 1 Ped. 1:2b; 2 Ped. 1:2; Efe. 1:7b-8:
 1. Gigrasyahan ta sa Dios diha sa Pinalangga—v. 6.
 2. May agianan ta pinaagi sa pagtuo nganha ning grasyaha nga gibarogan nato—Rom. 5:2a.
 3. Kon adlaw-adlaw natong dawaton, sination, ug pahimuslan si Cristo nga naa nato, grasya kana nga gidugang kanato, ang nagsapaw-sapaw nga grasya—Juan 1:16.
 - C. Ang pagkinabuhi sa mga ministro sa bag-ong pakigsaad pagkinabuhi man sa grasya, pagsinati sa grasya—Heb. 12:28; 1 Cor. 15:10; 2 Cor. 1:12, 15:

Mensahe 6 (sumpay)

1. Nag-uban sa atong espiritu ang grasya ni Ginoong Jesucristo, ang Espiritu sa grasya, nga gipanganak na pag-usab aron mahimong puluy-anan ug sudlanan sa Tulo-usang Dios—Heb. 10:29b; Gal. 6:18; Fil. 4:23; Filem. 25; 2 Tim. 4:22; itandi sa 1:6-7.
2. Moliso ngani ta sa atong espiritu, makasulod ta agi sa ganghaan sa langit ug makatandog sa trono sa grasya sa langit pinaagi ni Cristo nga langitnong hagdan—Heb. 4:16; Gen. 28:12-17; Juan 1:51; Efe. 2:22.
3. Naa ang grasya sa tanang nahigugma sa atong Ginoong Jesucristo sa walay pagkadaot—6:24.
4. Magluwas nato ang pagkamapaubsanon gikan sa tanang matang nga pagkadaot ug magdapit sa grasya sa Dios—1 Ped. 5:5-6; Sant. 4:6.
5. Magpahimulos gyod ta sa pulong sa Iyang grasya—Buh. 20:32; Jer. 15:16.
6. Magsinati gyod ta sa Espiritu sa grasya ug sa mga pangaliyupo nga magdala nato ngadto sa pagpahimulos sa Tulo-usang Dios—Zac. 12:10a.
7. Nagpahimulos ang mga ministro sa bag-ong pakigsaad ni Cristo nga igo-sa-tanan nga grasya nila pinaagi sa mga pag-antos:
 - a. Gipalugwa ang pagpangalagad sa bag-ong pakigsaad sa pina-dayag ug pag-antos—2 Cor. 12:7; 1:3-4, 8-10.
 - b. Nahimong gahom si Cristo isip grasyang nitabernaculo sa mga ministro sa bag-ong pakigsaad, nagtabon nila sa ilang mga kaluyahon aron mahimo nilang puluy-anan nga mosustener, mosuporta, magpatunhay, manalipod, ug mag-amping nila—12:9b.
8. Nagkinahanglan ta sa grasya sa Dios diha ni Cristo nga giaplikar kanato ingog kusog ug gahom aron makalihok ta ug manalipod nato—Ezeq. 1:6b, 9a; Exo. 19:4; Isa. 40:31; 2 Cor. 4:7; 1:12; 12:9; 1 Cor. 15:10; Sal. 17:8; 57:1; 63:7; 91:4.
9. Maghari ta diha sa kinabuhi pinaagi sa pagdawat sa kadagaya sa grasya—Rom. 5:17.
10. Mahimo gyod unta tang maayong mga piniyalan sa nagkadaiyang grasya sa Dios—1 Ped. 4:10; Efe. 3:2.
11. Makapalatay unta ang atong pulong og grasya ngadto sa mga naminaw—Luc. 4:22; Efe. 4:29; Isa. 50:4.
12. Magpahimulos gyod ta sa grasya sa kinabuhi diha sa iglesiahanong kinabuhi aron maampingan ta diha sa tinuod nga pagkausa—Sal. 133.
13. Sa iglesiahanong kinabuhi, kon magrasyahan ta, matukod ang iglesia, ug makita ang grasyang nadawat nato—Buh. 4:33; 11:23.
14. Ang lugwa sa grasya diha sa pamatigayon sa Dios mao ang Lawas ni Cristo nga balak sa Dios, nga nagpadayag sa walay kinutobang kaalam ug diosnong laraw sa Dios—Efe. 2:10, 7; 2 Cor. 5:17.

Mensahe 6 (sumpay)

15. Mahingpit sa Bag-ong Jerusalem ang grasya ni Ginoong Jesus nga gipaambit sa Iyang mga magtutuo sa tibuok panahon sa bag-ong tugon, nga niana mahimong grasya ang nahikay ug nahingpit nga Tulo-usang Dios nga mapahimuslan sa tanang magtutuo sa eternidad—Bug. 22:21; itandi sa 21:23; 22:1-2.

II. Aron maumol nga mga ministro sa bag-ong pakigsaad para matukod ang Lawas ni Cristo, mosinati gyod ta sa tanang aspeto ni Cristo nga malangkobon-sa-tanan nga Espiritu sa 2 Corinto:

- A. Ang Espiritung nagdihog mao ang nagpuyo sa sulod ug sinagol nga Espiritung naglihok ug nagbuhat sa sulod nato aron ipaambit ang tanang diosnong sagol ug inug-umol sa Dios kanato—1:21; Fil. 1:19; Exo. 30:23-25; Rom. 10:12-13:
 1. Makatuman ang pagdangat sa igdihog sa sentrong tuyo sa kaluwasan sa Dios sa pagdihog sa sinakot nga Dios kanato aron mausa, masagol, ug matagik ta Niya—1 Cor. 15:45b; 1 Juan 2:20, 27.
 2. Ang pagtudlo sa pagdihog mao ang pagbati sa sulod nga lugwa sa paglihok sa Espiritu sa sulod nato, nga nakapasayod nato sa hunahuna sa Dios ug nakapakinabuhi nato diha Niya, nagtudlo nato sa mga butang kalabot sa Tulo-usang Dios ug sa mga kalihokan Niya—v. 27; Buh. 16:6-7.
- B. Moporma sa diosnong mga elemento nga patik nga magpadayag sa dagway sa Dios ang Espiritung nagtimbre—2 Cor. 1:22; Efe. 1:13:
 1. Padayong suropan sa Espiritung nagtimbre ang mga balaan alang sa pagtubos sa ilang lawas—4:30.
 2. Gitransporma sa Espiritung nagtimbre ang mga balaan nga mahimong bahandi sa Dios nga panulundon Niya—1:11.
 3. Labi tang matimbrehen, labi sab nga naa tay dagway sa Dios ug maumol nga obra maestra sa Dios—2 Cor. 3:18b; Efe. 2:10.
- C. Mopatilaw nato daan isip sampol ug garantiya sa hingpit nga pagpahimulos sa Dios ang Espiritung nagpatinga—2 Cor. 1:22; 5:5:
 1. Mogarantiya ang Espiritung nagpatinga nga ang Dios mao ang panulundon nato—Efe. 1:14.
 2. Naa sa sulod nato si Cristo nga Espiritung nagpatinga aron matilawan nato, aron mapahimuslan nato Siya nga diosnong panulundon nato, ang atong pahat nga giapod-apod, pinaagi sa paggamit sa atong espiritu—Sal. 34:8; 1 Ped. 2:3; Col. 1:12.
- D. Gisulat sa Espiritung nagsulat si Cristo nganhi nato aron himoon tang buhing mga sulat ni Cristo—2 Cor. 3:3; itandi sa Sal. 45:1:
 1. Gisulat si Cristo nganhi nato pinaagi sa espirituhanong tinta, ang Espiritu sa Dios nga buhi; kon naa ta sa pagsulat sa Espiritu, lalom natong mabati nga buhi ta sa sulod.
 2. Ang Espiritu mao ang tinta, ug ang sulod sa tinta mao si Cristo lakip na ang persona, buhat, ug mga nakab-ot Niya; gidugang sa

Mensahe 6 (sumpay)

sinagol nga Espiritu isip sinagol nga tinta ang pagkamao ni Cristo nganhi nato ug gisuropan ta sa pagkamao ni Cristo.

- E. Gipaambit sa Espiritung taghatag-og-kinabuhi, sa Espiritung nagbuhi ang diosnong kinabuhi sa atong pagkatawo aron himoon tang mga tawo sa kinabuhi nga dunay pagpangalagad sa kinabuhi—2 Cor. 3:6, 17; Juan 7:38:
 - 1. Mainampoon ngani tang magtuon ug magbasa sa Biblia ginamit ang atong espiritu, mabuhi ta—2 Cor. 3:6; Juan 6:63.
 - 2. Aron makahatag og kinabuhi sa uban, magpabilin gyod ta sa diosnong kinabuhi ug maggawi, magkinabuhi, ug magpaanaa sa atong pagkatawo sa diosnong kinabuhi—1 Juan 5:16a.
- F. Gipaambit sa Espiritung nangalagad ang tanang pagkamao ni Cristo nganhi nato ug gipatinuod kanato ang tanang pagkamao ug nabatonan ni Cristo—2 Cor. 3:8; Juan 16:13-15:
 - 1. Madawat nato ang sangkap sa Espiritung nangalagad pinaagi sa paggamit sa atong espiritu nga moampo ug motawag sa Ginoo—Gal. 3:5a; Col. 4:2; Rom. 10:12-13.
 - 2. Gipangalagad sa Espiritung nangalagad si Cristo kanato ug gipangalagad Siya sa uban pinaagi nato—2 Cor. 3:6; itandi sa Fil. 1:25.
- G. Gipahigawas ta sa Espiritung nagpahigawas sa gapos sa letra sa kasugoan; ang Espiritu sa Ginoo mao ang Ginoo mismo, ug naa Niya ang kagawasan—2 Cor. 3:17; 4:5; Gal. 2:4; 5:1:
 - 1. Naglakip kining pagpahigawasa sa hingpit nga katagbawan, nga dunay dato, makasuportang sangkap ug hingpit nga pagpahimulos ni Cristo—Juan 4:14b.
 - 2. Naglakip kining pagpahigawasa sa pagpahimulos sa tinuod nga pahulay, nga walay bug-at nga luwan sa pagtuman sa kasugoan—Mat. 11:28-30.
- H. Gipaambit sa Espiritung nagtransporma ang diosnong kinabuhi, kinaiya, pagkamao, elemento—bisan ngani ang Diosnong Pagkamao—nganhi nato aron metabolico tang mausab sa tawo nato sa sulod—2 Cor. 3:18:
 - 1. Moliso ngani ang atong kasingkasing sa Ginoo aron motan-aw ug magpasumbalik sa himaya sa Ginoo nga dunay nawong nga wala mataptapi, tuhopan ta Niya sa mga elemento sa Iyang pagkamao ug nabuhat.
 - 2. Mao nga metabolico tang kamulong gitransporma gikan sa usa ka ang-ang sa himaya ngadto sa usa pa ka ang-ang sa himaya aron mahulma sa porma sa Iyang kinabuhi pinaagi sa gahom sa Iyang kinabuhi ug sa pagkamao niini.
- I. Gipaambit sa Espiritung nagpalatay ang tanang pagkamao ni Cristo ug ang tanang kadato sa Dios nganhi nato aron makaambit ta—13:14:

ANG GRASYA SA DIOS UG ANG MALANGKOBON-SA-TANAN NGA ESPIRITU

Mensahe 6 (sumpay)

1. Ang Dios gugma, ug gipalatay kining gugmaha nganhi nato isip grasya sa Espiritu, nga mao ang Tigpalatay.
2. Ang Espiritu mao ang pakig-ambitay, pagkuminikar, sirkulasyon, pagpalatay sa grasya ni Cristo uban sa gugma sa Amahan, nga nagpalatay sa diosnong kadato nganhi sa atong pagkatawo aron mapahimuslan nato.